

Zbirka medijskih objava

VladaBrckoDistrikta_kliping_dnevno,
za razdoblje 8. 11. 2022

Broj objava: 11

Internet: 5

Štampa: 6

Teme praćenja:

Vlada Brčko Distrikta: 2

Gradonačelnik: 0

Skupština Brčko: 0

Brčko: 10

Vlada Brčko Distrikta:

Internet	Naslov	ЈП "Комунално Брчко": Сервисне информације за уторак 8.11.2022. године		
Serijski br. 1	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 8. 11. 2022		
	Autor	N. N.		
	Teme	Vlada Brčko Distrikta		

Štampa	Naslov	U BiH 44 novozaražena koronom		
Serijski br. 2	Medij; Doseg	Oslobođenje; , Bosna i Hercegovina	Stranica: 8	Površina: 116 cm ²
	Rubrika, Datum	Događaji; 8. 11. 2022		
	Autor	Unknown		
	Teme	Vlada Brčko Distrikta , Brčko		

Brčko:

Internet	Naslov	Bravo Gradonačelnice! Otkriveno skoro 1.700 sijaličnih mjesta koja osvjetljavaju privatnu imovinu		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 7. 11. 2022		
	Autor	Unknown		
	Teme	Brčko		

Internet	Naslov	Vikend u Brčkom: Lišenja slobode, 5 saobraćajnih nezgoda, 16 vozača isključeno iz saobraćaja		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 7. 11. 2022		
	Autor	Unknown		
	Teme	Brčko		

Internet	Naslov	Saopštenje za javnost Naroda i Pravde Brčko distrikta BiH		
Serijski br. 3	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 7. 11. 2022		
	Autor	N. N.		
	Teme	Brčko		

Internet	Naslov	Kadrić: Od oko 18.000 sijaličnih mjesta, 1.686 se koristi za osvjetljavanje privatnih posjeda		
Serijski br. 4	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 7. 11. 2022		
	Autor	Unknown		
	Teme	Brčko		

Štampa	Naslov	Zbog hrvatske zastave mladoženji Robertu Tomiću iz Brčkog pištoljem ozlijedili glavu pa ga izudarali		
Serijski br. 5	Medij; Doseg	Večernji list; 141.611, Bosna i Hercegovina	Stranica: 6	Površina: 551 cm ²
	Rubrika, Datum	Aktualno; 8. 11. 2022		
	Autor	Vidačak Ljiljana		
	Teme	Brčko		

Štampa	Naslov	Desetljeća čekanja pred vratima EU zbog politika slabljenja pravosuđa		
Serijski br. 6	Medij; Doseg	Dnevni list; , Bosna i Hercegovina	Stranica: 1	Površina: 1.932 cm ²
	Rubrika, Datum	Događaji; 8. 11. 2022		
	Autor	D. L.		
	Teme	Brčko		

Štampa	Naslov	Konzultacije sutra, mogući datumi konstituiranja novog saziva 21. ili 22. studeni		
Serijski br. 7	Medij; Doseg	Dnevni list; , Bosna i Hercegovina	Stranica: 3	Površina: 74 cm ²
	Rubrika, Datum	Ostalo; 8. 11. 2022		
	Autor	Unknown		
	Teme	Brčko		

Štampa	Naslov	44 novoizaraženih koronavirusom, preminule dvije osobe		
Serijski br. 8	Medij; Doseg	Dnevni list; , Bosna i Hercegovina	Stranica: 9	Površina: 58 cm ²
	Rubrika, Datum	Događaji; 8. 11. 2022		
	Autor	Unknown		
	Teme	Brčko		

Štampa	Naslov	Sarajlija "dovezao" neplaćene kazne do 267.000 KM		
Serijski br. 9	Medij; Doseg	Nezavisne novine; , Bosna i Hercegovina	Stranica: 7	Površina: 264 cm ²
	Rubrika, Datum	Događaji; 8. 11. 2022		
	Autor	Radoš Krstojević		
	Teme	Brčko		

Štampa	Naslov	U BiH 44 novoizaražena koronom		
Serijski br. 10	Medij; Doseg	Oslobođenje; , Bosna i Hercegovina	Stranica: 8	Površina: 116 cm ²
	Rubrika, Datum	Događaji; 8. 11. 2022		
	Autor	Unknown		
	Teme	Vlada Brčko Distrikta , Brčko		



Bravo Gradonačelnice! Otkriveno skoro 1.700 sijaličnih mjesta koja osvjetljavaju privatnu imovinu

Nakon što sam zatražio od JP „Komunalno“ **Brčko** da izvrši identifikaciju javne rasvjete koja nije u funkciji osvjetljavanja saobraćajnica i drugih javnih površina, već isključivo privatnih posjeda. Rezultati provjere su u sljedećem omjeru:

Od oko 18.000 sijaličnih mjesta, njih 1.686 se koristi za osvjetljavanje privatnih posjeda što čini oko 9,5% od ukupnog broja.

Sa obzirom na to da Distrikt, za troškove javne rasvjete, godišnje izdvaja ukupno oko 2.250.000 KM, po ovom obračunu 210.825,00 KM se dakle izdvaja za osvjetljavanje privatne imovine.

**Esed Kadrić je u Brcko.**

prije 17 min. · Brcko · 🌐



🟡 Nakon što sam zatražio od JP „Komunalno“ Brčko da izvrši identifikaciju javne rasvjete koja nije u funkciji osvijetljavanja saobraćajnica ... Prikaži više

SAOPŠTENJE

Nakon ove aktivnosti, zatraženo je od JP „Komunalno“ **Brčko** da izvrši demontažu i isključenje sijaličnih mjesta koja se koriste u svrhu osvijetljavanja privatne imovine.

Od Policije **Brčko** distrikta BiH smo tražili da, ukoliko to bude neophodno, budu na raspolaganju radnicima JP „Komunalno“

Brčko prilikom izvršavanja ovih aktivnosti demontaže, navedeno je na zvaničnom Facebook profilu **Gradonačelnika Brčko distrikta** Bosne i Hercegovine Eseda Kadrića.

Otisak.ba





Lišenja slobode, 5 saobraćajnih nezgoda, 16 vozača isključeno iz saobraćaja

– U periodu vikenda na prostoru **Brčko** distrikta BiH u oblasti kriminaliteta zabilježena su tri krivična djela.

– U navedenom vremenskom periodu zabilježena su četiri događaja narušavanja javnog reda i mira.

Tokom navedenih događaja u dane 05. i 06.11.2022. godine tri lica su lišena slobode, zbog počinjenih prekršaja iz člana 4. „Drsko ponašanje” i člana 8. „Ometanje vršenja službenih poslova i zadataka” iz Zakona o javnom redu i miru **Brčko** distrikta BiH.

– Tokom navedenog perioda zabilježeno je pet saobraćajnih nezgoda u kojima je pet lica zadobilo lake tjelesne povrede.

– Izdvajamo događaj od dana 05.11.2022. godine kada je Policiji oko 17.20 sati prijavljeno da se u ulici Štrosmajerova dogodila saobraćajna nezgoda. Odmah nakon prijave na lice mjesta izašli su policijski službenici i utvrdili da je u saobraćajnoj nezgodi učestvovala vozač motornog vozila marke „VW Golf” i dva maloljetna pješaka. Izvršen je uviđaj i utvrđeno da vozač motornog vozila nije bila pod dejstvom alkohola, dok su oba pješaka zadobila lake tjelesne povrede.

– Policijski službenici Policije **Brčko** distrikta BiH su prilikom kontrole vozača i vozila isključili ukupno 16 vozača i vozila. Od toga dvanaest vozača je isključeno zbog upravljanja motornim vozilima pod dejstvom alkohola, jedan vozač koji je upravljao vozilom prije sticanja prava na upravljanje, jedan koji je upravljao neregistrovanim vozilom, jedan zbog upravljanja vozilom nakon isteka važnosti potvrde o registraciji i jedan zbog nepropisno snještenog tereta.

– Dana 04.11.2022. godine u 22.40 sati policijski službenici Policije **Brčko** distrikta BiH su tokom redovnih poslova i zadataka u naselju Prutače zaustavili vozača motornog vozila marke »Pasat« inicijala E.K. rođen 1979. godine nastanjen u **Brčkom** i utvrdili da ne posjeduje vozačku dozvolu, a nakon izvršene provjere da je ista istekla 2014. godine, te je poništena. Provjerom u službenom registru novčanih kazni takođe je utvrđeno da je navedeno lice višestruki povratnik u vršenju prekršaja iz oblasti saobraćaja, te da po osnovu neplaćenih kazni ima dugovanje u iznosu od 6.976. konvertibilnih maraka. Zbog osnova sumnje da će navedeno lice nastaviti sa vršenjem prekršaja privremeno mu je oduzeto motorno vozilo i pohranjeno u depozit Policije **Brčko** distrikta BiH. Protiv navedenog lica će Osnovnom sudu **Brčko** distrikta BiH biti podnešen zahtjev za pokretanje prekršajnog postupka.

radiobrcko.ba



Saopštenje za javnost Naroda i Pravde **Brčko** distrikta BiH – RNU "Radio **Brčko**" **Brčko** distrikt BiH

☐ "Poslušajte"

Narod i Pravda **Brčko** distrikta BiH podržava prijedlog Sindikata **Brčko** distrikta BiH u kojem traže povećanje plata, ali isto tako insistiramo i na tome da povećanje plata u javnom sektoru bude praćeno i povećanjem plata u realnom sektoru.

SPECIJALISTIČKA LIJEČNIČKA ORDINACIJA		ul. prof. Murata ef. Sinanagića 1, Brčko (kod Vatrogasnog doma) +387 65 710 136 pon-pet 08-13h i 16-18h, subotom 08-13h
<i>Dr. Bereš</i>		
Velimir Bereš dr.med.		
SPECIJALISTA ZA PLUĆNE BOLESTI		

Tražimo da se poveća najniža plata u realnom sektoru, kako bi građanima koji rade u ovom sektoru ublažili udare na kućne budžete izazvane inflacijom, poskupljenjima svih namirnica, roba i usluga te zbog toga smatramo da je posebno potrebno povesti računa o realnom sektoru koji je najpogođeniji gore pomenutim poskupljenjima, kako bi se zadržali radnici i kako bi se zaustavio dalji odliv radne snage iz **Brčko** distrikta BiH.

Narod i Pravda **Brčko** distrikta BiH svjesna krize i poskupljenja koja nas pogađaju je i prije predlagala mjere koje bi u mnogome spriječile ili olakšale građanima da prebrode ovo stanje u kojem se nalazimo.

Prva inicijativa Naroda i Pravde **Brčko** distrikta BiH bio je „Plan antistaglacijskih mjera“ u kojem smo jasno ukazali na probleme i ponudili rješenja za iste, nakon neusvajanja ovog plana od strane skupštinske većine, nismo se obeshrabрили pa smo ponovo u prošlom rebalansu budžeta ponudili plan kako ublažiti uticaje poskupljenja, inflacije i ekonomske krize prema svim kategorijama stanovništva u **Brčko** distriktu BiH. Ovim drugim planom koji je takođe odbijen od skupštinske većine bili su obuhvaćeni svi kao što su najranjivije socijalne kategorije, poljoprivrednici, privrednici, radnici u realnom sektoru i mladi, gdje smo predviđjeli da bi sve ove pobrojane kategorije mogle biti pomognute sa cca 18 000 000KM budžetskih sredstava, pokušali smo u **Brčko** distriktu BiH ukinuti stanje da nam je budžet sve puniji a građani sve siromašniji, međutim i ovaj put naš

prijedlog nije naišao na razumijevanje skupštinske većine te je odbijen.

Narod i Pravda **Brčko** distrikta BiH će i dalje pokretati inicijative i davati prijedloge koji će biti upravljeni u pravcu poboljšanja statusa i života građana **Brčko** distrikta BiH.

Radio **Brčko**“ se ograduje od objavljenih informacija u ovoj rubrici i odgovornost za njihov sadržaj snose isključivo njihovi autori, odnosno pošiljaoci.

Kadrić: Od oko 18.000 sijaličnih mjesta, 1.686 se koristi za osvjetljavanje privatnih posjeda



ponedjeljak, 07 novembar 2022 10:43 Autor eBrcko Kategorija: Vijesti **Brčko**

"Nakon što sam zatražio od **JP** „Komunalno“ **Brčko** da izvrši identifikaciju javne rasvjete koja nije u funkciji osvjetljavanja saobraćajnica i drugih javnih površina, već isključivo privatnih posjeda. Rezultati provjere su u sljedećem omjeru:

- Od oko 18.000 sijaličnih mjesta, njih 1.686 se koristi za osvjetljavanje privatnih posjeda što čini oko 9,5% od ukupnog broja.



Svatovi se pretvorili u horor-priču: Napad na svatovsku kolonu u mjestu Lončari na magistralnoj cesti Tuzla – Orašje

Zbog hrvatske zastave mladoženji Robertu Tomiću iz Brčkog pištoljem ozlijedili glavu pa ga izudarali

Dvojica mladića srpske nacionalnosti automobilom Audi A6 presrela su i zaustavila svatove. Jedan od njih oteo je hrvatsku zastavu i pokušao slomiti koplje, međutim, bilo je predebelo da ga slomi rukama, pa ga je počeo lomiti o auto

Ljiljana Vidačak

Dan koji je trebao biti naj-sretniji u životu Roberta Tomića iz Brčkog i njegove izabranice pretvorio se u pravi horor kada su 30. listopada ove godine oko 13.20 dvojica mladića srpske nacionalnosti automobilom marke Audi A6 presrela i zaustavili svatovsku kolonu jer je u njoj bila hrvatska zastava. Naime, u mjestu Lončari na magistralnoj cesti Tuzla – Orašje Cvijan Cvijanović i Siniša Stevanović presrela su i blokirali svatovsku kolonu koja se kretala iz Brčkoga u Domaljevac. Osim što su prijetili svatovima, otrgnuli su hrvatsku zastavu te je Stevanović drškom pištolja udario mladoženju u glavu i više ga puta udarao nogama po tijelu, nakon čega je mladoženja prevezen u Županijsku bolnicu Orašje.

Pobjegli nakon napada

U povodu nemilog događaja razgovarali smo jučer s Robertom Tomićem, napadnutim mladoženjom, koji se vratio u Austriju, gdje inače živi. Kazao nam je kako trenutačno radi dodatne medicinske pretrage kako bi utvrdili da negdje nije ostao neki ugrušak jer ima stalne glavobolje. Robert nam je detaljno ispričao što se dogodilo taj dan.

- Svadbena kolona krenula je iz Brčkog, iz mjesta Olujnica, u 13 sati prema Domaljevcu. Oko 13.20 u blizini Lončara primijetili smo da nas pretječe vozilo Audi A6. Mislili smo da se nekome žuri i da zato pretječe. Međutim, taj je auto preprizio put svadbenoj koloni, a u njemu su bili Cvijan Cvijanović i Siniša Stevanović. Stevanović je bio vozač, a Cvijanović suvozač. Cvijanović je išao s mojim kumom u razred, a inače smo svi išli u istu školu. Kako je automobil stao, kum mi je rekao: "Evo problema". Nas dvojica smo odmah krenula od prvog auta jer je u njemu bio hrvatski barjak. Kako smo prilazili, vidjeli smo da je Cvijan već oteo zastavu i po-

kušava slomiti koplje, međutim, bilo je predebelo da bi ga slomio rukama, pa ga je počeo lomiti o auto. Potom sam mu ja rekao: "Cico, pa to su moji svatovi", na što je on odgovorio: "Vi ste provocirali" i okrenuo je glavu od mene kao da me ne poznaje. U tom je trenutku Siniša Stevanović, koji je stajao iza haube Audi A6, izvađio i repetirao pištolj 7,65 mm. Kako sam vidio da natrag više ne mogu, pucat će na mene, krenuo sam maknuti taj pištolj. On me u tom trenutku udario pištoljem po glavi - priča Robert. Nakon što ga je udario po glavi Robert je pao na pod i tu ga je Stevanović još nekoliko puta udario nogama po tijelu. Potom su njih dvojica pobjegla, kako kaže Robert, u smjeru Čović Polja. Poslije napada nesretni mladoženja prevezen je u Županijsku bolnicu u Orašju, a svatovi su ostali na ispitivanju. - Zanimljivo je da je policijska patrola bila na dvije minute od nas, a prva policijska patrola je na mjesto događaja stigla tek za nekih 15 minuta.

Dok su došli inspektori prošlo je već sat vremena od napada. Policijska je tražila napadače taj dan, međutim, nije ih našla. Oni su se sutra ujutro, kako sam čuo, sami prijavili u policiju dati izjavu - govori nam Robert.

Nije bilo provokacija

Nakon napada u bolnici je, kaže, proveo dva sata, ušli su mu ranu i doslovno ga odnijeli u crkvu da se vjenča jer sam nije mogao hodati. - Potom su svatovi otišli u dvoranu, a ja sam bio u sobi svadbenog salona, nisam mogao biti sa svatovima jer mi je bilo loše, povraćao sam s obzirom na to da sam imao potres mozga. Iako sam pokušavao, nisam uspio sići među svatove jer mi je bilo jako loše.

Ono što je čovjeku trebao biti

Nakon napada u bolnici je, kaže Robert, proveo dva sata, ušli su mu ranu i doslovno ga odnijeli u crkvu da se vjenča jer sam nije mogao hodati. Povraćao je, imao je potres mozga



najljepši dan u životu, uspjeli su upropastiti - ističe Robert.

Robert negira bilo kakve ranije sukobe i nesuglasice s napadačima koji bi mogli biti povod napadu i tvrdi da je jedini razlog hrvatska zastava koju su nosili. - Nikakvih nesuglasica od ranije s njima nisam imao. Čak sam mu ranije u nekoliko navrata platio piće. Stevanovića ne poznajem od ranije, ali ga moj brat zna iz školskih dana.

Razlog napada bila je isključivo hrvatska zastava koju smo nosili. Jamčim da s naše strane nije bilo nikakvih provokacija. Sam sam razgovarao sa svima koji su bili u koloni da provjerim je li bilo nekih provokacija i svi su mi potvrdili da nije. U svadbenoj koloni bilo je najviše žena i djece te manji broj muškaraca, tako da su bilo kakve provokacije isključene. Kao da živimo na divljem zapadu, u nekoj civiliziranoj zemlji to se ne bi smjelo događati, a da se i dogodi, iste večeri slučaj bi bio riješen - ističe Robert. On, ali i svi ostali nadaju se kako će policija ipak uraditi svoj posao te nasilnike strogo kazniti kako se ovakav nemili događaj ne bi ponovio i kako se ponovno samo zbog zastave svoga naroda koju nosi najljepši dan u životu nekome ne bi pretvorio doslovno u horor-priču.



ROBERT TOMIĆ NEGIRA bilo kakve ranije sukobe i nesuglasice s napadačima koji bi mogli biti povod napadu i tvrdi da je jedini razlog hrvatska zastava koju su nosili. "Nikakvih nesuglasica s njima nisam imao, čak sam mu ranije u nekoliko navrata platio piće. Stevanovića ne poznajem od ranije, ali ga moj brat zna iz školskih dana. Razlog napada bila je isključivo hrvatska zastava koju smo nosili"



HNS BiH: Fizički napad na svatovsku kolonu i nasrtaji na hrvatske simbole apsolutno su neprihvatljivi i trebaju biti primjereno kažnjeni

Hrvatski narodni sabor BiH najoštrije osuđuje nedavni fizički napad na svatovsku kolonu zbog isticanja zastave hrvatskoga naroda u mjestu Lončari kod Orašja. Govor mržnje, netrpeljivost i nasrtaji na hrvatske simbole u BiH, uključujući i Republiku Srpsku, apsolutno

su neprihvatljivi i trebaju biti primjereno kažnjeni. Hrvatski narodni sabor BiH poziva policiju i pravosudna tijela na sankcioniranje ovog i sličnih slučajeva izazvanih mržnjom prema pripadnicima hrvatskoga naroda i njegovim obilježjima u BiH.

radiobrcko.ba



Сервисне информације за уторак 8.11.2022. године – RNU "Radio **Brčko**" **Brčko** distrikt BiH

☐ "Poslušajte"

СЕРВИСНЕ ИНФОРМАЦИЈЕ за уторак 8.11.2022. године

SPECIJALISTIČKA LIJEČNIČKA ORDINACIJA Dr. Bereš Velimir Bereš dr.med. SPECIJALISTA ZA PLUĆNE BOLESTI	ul. prof. Murata ef. Sinanagića 1, Brčko (kod Vatrogasnog doma) +387 65 710 136 pon-pet 08-13h i 16-18h, subotom 08-13h
--	--

РЈ ЕЛЕКТРОДИСТРИБУЦИЈА

Застоји у испоруци електричне енергије:

- Горњи Зовик дио, застој у трајању од 1 h током дана

РЈ ВОДОВОД И КАНАЛИЗАЦИЈА

- У МЗ Пољаци, Браће Сулића и Кланац II, ради се на санацији цурења на водоводној мрежи. Могући су краћи застоји у испоруци воде.
- У другим дијеловима градског водоводног система очекује се уредно водоснабдијевања.
- На свим локалним водоводним системима су могући поремећаји у водоснабдијевању у виду пада

притиска и прекида водоснабдијевања, услед недовољне количине воде на изворишима.

- Квалитет воде је задовољавајући и одговара Правилнику о здравственој исправности воде за пиће (Сл. гласник БиХ, бројеви: 40/10, 43/10 и 30/12).

РЈ ЧИСТОЋА

Служба за управљање отпадом

- Према плану, данас ће прикупљање и одвоз смећа од правних и физичких лица бити организовано у насељима:

Колобара – Бурића Брдо – Мераје – Ивици – Росуље, Доњи Брезик – Први Мај, Кланац – Ријеке – **Брчко** Ново, Омербеговача – Боће – Бодериште – Горњи Зовик – Доњи Зовик – Штрепци, Сеоњаци – Дубраве – Приједор – Стјепковица – Гредице 1, Еш насеље – Бијелинска цеста – Брезово Поље (Чаршија, Село, Ново насеље).

Служба за јавну хигијену

ОДРЖАВАЊЕ ЈАВНИХ, ЗЕЛЕНИХ И САОБРАЋАЈНИХ ПОВРШИНА у складу са Планом и програмом надлежног одјељења **Владе Брчко** дистrikта БиХ за одржавање јавних површина:

- Сакупљање и уклањање отпадака са јавних површина, ручно чишћење јавних површина, пражњење посуда за отпатке.
- Одржавање пјешачке зоне и Булеvara Мира: чишћење, сакупљање отпадака и пражњење корпица
- Одржавање јавних и зелених површина у складу са годишњим планом

Сектор за збрињавање напуштених животиња

- *Удомљавање паса* из азила сваког уторка и петка од 10:00 – 11:00 h

ОСТАЛЕ АКТИВНОСТИ

О *осталим услугама* које пружа ЈП „Комунално **Брчко**“ можете сазнати више у корисничком сервису на www.komunalno.ba или контактирањем Позивног центра 0800 505 07.

Svi članci objavljeni na internet stranici Radija **Brčko** (www.radiobrcko.ba) isključivo su vlasništvo redakcije. Radio **Brčko** dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju prenijeti informacije iz pojedinih članaka sa Internet stranice Radija **Brčko** (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio **Brčko**), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio **Brčko** je odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom **Brčko** distrikta. Za detaljnije informacije o uslovima korištenja kliknite na

[USLOVI KORIŠTENJA](#)



Uvjetni kandidacijski status BiH traži i reformu u pravosuđu

Desetljeća čekanja pred vratima EU-a zbog politika slabljenja pravosuđa

EU i BiH

6. str.



Uvjetni kandidacijski status BiH traži i reform u pravosuđu

Desetljeća čekanja pred vratima EU-a zbog politika slabljenja pravosuđa

Reforma pravosuđa okarakterizirana je kao jedan od ključnih prioriteta za ispunjavanje statusa države kandidatkinje za članicu EU-a, posebice nakon nedavne preporuke Europske komisije koja je za BiH uvjetno preporučila status kandidatkinje i to unatoč činjenici kako nije ostvaren napredak na ključnim područjima.

Međutim, bh političari do sada nisu uspjeli donijeti potrebne zakone koji bi vodili ka reformi pravosuđa. S druge strane, koliki je značaj reformskih procesa u pravosudnom sustavu te usvajanju europskih standarda pokazuje i činjenica da je od završetka rata u BiH, prema grubim procjenama, u razna područja bh pravosuđa, EU uložila više od 3,5 milijardi eura.

No, sva izvješća pokazuju da se u reformi pravosuđa učinilo vrlo malo, a posljednjih godina - nimalo.

Sattler: Reforme pravosuđa na vrhu prioriteta i nemaju alternativu

Prilikom ispunjavanja uvjeta za članstvo u EU, susjedna Republika Hrvatska više od 10 godina "borila se" s usklađivanjem hrvatskog s europskim standardima u pravosuđu.

BiH to neuspješno čini skoro tri desetljeća, a kakvo je stanje u pravosuđu može pokazati i samo neki od činjenica - skoro svaki od bivših

Mali paket tehničkih izmjena i dopuna Zakona o VSTV BiH ostao je neusvojen nakon što je odbijen u Parlamentu i vraćen Vijeću ministara BiH u daljnu zakonodavnu proceduru. Izmjene predviđaju temeljne promjene kojima bi se osigurao integritet pravosudnih dužnosnika te riješila pitanja sukoba interesa, stegovne odgovornosti te zakonitosti i transparentnosti odluka o imenovanjima. Budući da su amandmani tehnički, njihovo odbijanje u Parlamentu je zbog politički motivirane težnje za slabljenjem državnih institucija i pravosuđa, ocijenio je Schmidt u svom izvješću Vijeću sigurnosti UN-a.

prvih dužnosnika Tužiteljstva BiH je na optuženičkoj klupi, neki od istaknutih tužitelja su usko povezani s kriminalnim radnjama i krim miljeom.

Neki, poput bivše državne tužiteljice Dijane Kajmaković su pod sankcijama SAD-a zbog involviranosti u kriminalne radnje itd. Međunarodni dužnosnici uporni su u naglašavanju kako je reforma pravosuđa jedan od ključnih prioriteta za BiH ukoliko želi članstvo u EU.

Ali, kako se čini, dok deklarativno iznose stavove o podršci euroatlantskim integracijama, bh političarima teško se oprostiti od sustava na koji imaju značajan utjecaj.

-Reforme vezane za vladavinu prava na vrhu liste prioriteta reformi i nemaju alternativu. Nema vremena za gubljenje, donositelji odluka u BiH moraju djelovati. Građani ne očekuju ništa manje, poručio je u jednoj od svojih mnogih izjava na ovu temu šef Izaslanstva EU u BiH Johann Sattler.

Schmidt u izvješću UN-u o neusvajanju zakona o VSTV-u: Politički motivirane težnje za slabljenjem državnih institucija i pravosuđa

Visoki predstavnik u BiH Christian Schmidt, u svom trećem redovitom izvješću o BiH pred Vijećem sigurnosti UN-a, u dijelu o vladavini prava, snažno je podržao poboljšanje u Visokom sudskom i tužiteljskom vijeću (VSTV) BiH, koje imenuje i disciplinski kažnjava sve sudce i tužitelje, pri tom istaknuvši kako se provedba vladavine prava oslanja na pravosuđe te da

je profesionalno pravosuđe bez neprimjerenog političkog pritiska i utjecaja ključno za funkcioniranje pravne države.

Međutim, na usvajanje tog poboljšanja još se čeka.

-Mali paket tehničkih izmjena i dopuna Zakona o VSTV BiH ostao je neusvojen nakon što je odbijen u Parlamentu i vraćen Vijeću ministara BiH u daljnu zakonodavnu pro-

ceduru. Izmjene predviđaju temeljne promjene kojima bi se osigurao integritet pravosudnih dužnosnika te riješila pitanja sukoba interesa, stegovne odgovornosti te zakonitosti i transparentnosti odluka o imenovanjima. Budući da su amandmani tehnički, njihovo odbijanje u Parlamentu je zbog politički motivirane težnje za slabljenjem državnih institucija i pravosuđa, ocijenio je Schmidt u svom izvješću Vijeću sigurnosti UN-a.

Vrlo precizno analizirajući stanje u bh pravosuđu, Schmidt navodi kako se nastavila nedosljedna praksa u imenovanju sudaca te da su, 30. lipnja, šef Izaslanstva EU i poseban predstavnik EU-a, veleposlanik SAD-a, voditelj Misije OESS-a u BiH i on, poslali pismo VSTV-u u kojem podsjećaju da imenovanja sudaca treba biti rezultat objektivnog procesa kvalifikacije temeljenog na zaslugama te da odluke o pojedinim imenovanjima moraju biti obrazložene i sadržavati konkretno obrazloženje za pojedino imenovanje.

Schmidt je istaknuo i kako su iz VSTV-a dobili odgovor te da isti sugerira spremnost u rješavanju ovog problema i poduzimanja daljnjih koraka za promicanje vladavine prava.

Važnost ishoda sudskih procesa zbog vraćanja povjerenja građana

-Sud BiH, jedini državni sud redovne nadležnosti i tijelo nadležno za rješavanje pravnih pitanja i sukoba nadležnosti između države, entiteta i Brčko Distrikta, kao i najteža korupcija i organiziranog kriminala, još uvijek nije u potpunosti prihvaćen. U kontekstu još jednog osporavanja pred Ustavnim sudom BiH, 19. kolovoza sam dostavio pravno mišljenje u svojstvu prijatelja suda (amicus curiae), jer je Zakon o sudu inicijalno donio Visoki sud. Izazov se odnosi na zakonske odredbe koje su prije nekoliko godina prepoznate kao spremne za ažuriranje, a novi nacrt zakona smatran je prioritetom. Rad je sporo napredovao, ali je nacrt dovršen i u rujnu poslan na mišljenje Venecijanskoj komisiji Vijeća Europe, navodi još jedan "izazov" Schmidt kada je riječ o bh



Na djelu je potpuna sprega politike i pravosuđa, što je Istražna komisija i dokazala, kazao je Arnaut

pravosuđu.

Također, on se posebno osvrće i kako je 26. rujna, drugu tužiteljicu u Tužiteljstvu BiH, Dianu Kajmaković, sankcionirao Ured za kontrolu strane imovine Ministarstva financija SAD-a zbog odgovornosti ili suučesništva u korupciji ili potkopavanju demokratskih procesa ili institucija na Zapadnom Balkanu, ali i kako je Ministarstvo SAD-a 3. listopada također uvrstilo aktualnog premijera FBiH Fadila Novalića (SDA) kao posebno označenog državljanina za djelovanje u službenoj dužnosti.

-Ove međunarodne sankcije naglašavaju važnost sudskog ishoda domaćih kaznenih procesa kako bi se vratilo povjerenje građana u njihove vlasti, navodi Schmidt u svom najnovijem izvješću o BiH.

Arnaut: Na djelu potpuna sprega politike i pravosuđa

Damir Arnaut, zastupnik Zastupničkog doma Parlamentarne skupštine BiH, iz Kluba zastupnika Naša stranka-Neovisni blok i predsjedavajući Privremene istražne komisije za utvrđivanje stanja u pravosudnim institucijama BiH, odgovarajući na pitanje zašto se toliko, dramatično, kasni sa svim reformama, a posebno reformama u pravosuđu u BiH, kaže: "Jer je na djelu potpuna sprega politike i pravosuđa, što je Istražna komisija i dokazala. I jer oni koji su na vlasti hoće da tako ostane kako bi mogli nastaviti s korupcijom".

Arnaut pri tom i vrlo jasno navodi kočnice ovih reformi.

-Konkretno, to su SNSD i HDZ koji su blokirali ove zakone i SDA koja im je ciljano dala mehanizme blokade. Nijedna od ove tri stranke ne žele EU članstvo zbog pravila i standarda koje ono donosi. Kada se te tri stranke, ili čak samo dvije od njih, zajedno nađu u vlasti oni mogu blokirati EU put, smatra Arnaut.

Prema njegovom mišljenju, za deblokadu procesa reformi pravosuđa potrebno je, kako kaže, "razbiti taj tronožac".

-Izbaciti bar dvije noge iz vlasti i u roku šest mjeseci usvojiti EU zakone. Trojka i oporba iz RS su složni oko toga, a HDZ sam to neće moći zaustaviti, zaključuje Arnaut.

Nakon jednog neusvojenog, novi Nacrt zakona o VSTV-u

No, podsjetimo kako je Vijeće ministara BiH krajem prošle godine usvojilo prijedloge Izmjena i dopuna Zakona o VSTV-u te ga uputilo u parlamentarnu proceduru, da bi ga, potom, u ožujku usvojio Zastupnički dom Parlamenta BiH, ali potom i odbijen u Domu naroda BiH zbog neslaganja izaslanika iz SNSD-a.

Ministarstvo pravde BiH u srpnju ove godine ponovno je pripremio Nacrt Zakona o VSTV-u BiH, a nakon što je VSTV u lipnju 2022. dopisom obratilo tom ministarstvu naglašavajući potrebu da se bez odlaganja nastave aktivnosti na poboljšanju zakonodavnog okvira u ovoj oblasti, odnosno da se pristupi iniciranju novog zakonodavnog procesa.

Josip Grubeša, ministar pravde BiH, u prijašnjoj izjavi za medije, potvrdio je kako je pripremljen Nacrt zakona o VSTV-u te da on razlikuje od onog koji nije prošao parlamentarnu proceduru.

-Na traženje Ministarstva pravde BiH, Europska komisija je dostavila preliminarne komentare na Prijed-

log zakona, koji su stigli nakon što je raniji propis usvojen na Vijeću ministara BiH, zbog čega nije bilo moguće unijeti tražene izmjene. Sugerirano je da se dodatno unaprijeđe neke odredbe zakona. U odnosu na Prijedlog zakona koji nije prošao parlamentarnu proceduru, u ovaj Nacrt zakona su uvršteni preliminarni komentari Europske komisije, zbog čega se nikako ne može govoriti o istovjetnom tekstu, rekao je ministar Grubeša.

Između ostaloga, u prijedlogu zakona je navedena i nužnost osiguranja dodatnih finansijskih sredstava i to za potrebe uspostave i funkcioniranja Odjela za integritet nositelja pravosudnih dužnosti - iz proračuna za 2022. 641.000 KM, a iz proračuna za 2023. godinu 667.000 KM.

VSTV: Podrška nacrtu zakona

Iz VSTV-a su već prije potvrdili kako je Ministarstvo pravde BiH 29. kolovoza 2022. godine dostavilo Nacrt zakona o izmjenama i dopunama Zakona o VSTV-u BiH, a koji je ovo tijelo razmotrio na sjednici 28. rujna te dalo svoje mišljenje o istom.

-Mišljenjem je podržan Nacrt zakona kojim su obuhvaćena pitanja sukoba interesa članova VSTV-a BiH, zatim podnošenje i provjeravanje izvješća o imovini sudaca, tužitelja i članova VSTV-a BiH, uspostavljanje kapaciteta za vršenje provjere navedenih izvješća formiranjem posebne organizacijske jedinice u okviru Tajništva VSTV-a BiH, zatim uvođenje pravnog lijeka protiv odluka o imenovanju, redefiniranje disciplinskih prekršaja, te izmjene i dopune pojedinih odredaba o disciplinskom postupku koji se vode protiv sudaca i tužitelja, ali i članova Vijeća, te su sadržana pravila o nespojivim dužnostima te uvjetima pod kojima sudci i tužitelji mogu obavljati dodatne aktivnosti, istaknuli su iz VSTV-a BiH.

Naglašavaju da je u Mišljenju Vijeće dalo i niz konkretnih prijedloga koji su usmjereni na osiguranje veće jasnoće i konzistentnosti zakonskog teksta, kako bi se izbjegli problemi u njegovom tumačenju i primjeni, po usvajanju u parlamentarnoj proceduri.

-Vijeće izražava nadu da će Nacrt zakona dobiti potrebnu podršku. Ipak Vijeće i ovim putem naglašava da je neovisno o ovoj zakonodavnoj inicijativi koja je ograničena na pojedina pitanja, nužno bez odlaganja nastaviti rad na novelaciji kompletnog Zakona o VSTV-u BiH. Vijeće ostaje opredijeljeno da da maksimalan doprinos u ovom procesu, naglašavaju iz VSTV-a, zaključujući da su, kada je riječ o Nacrtu zakona o sudovima BiH, 15. rujna ove godine primili dopis Ministarstva pravde BiH u kojem se traži dostavljanje mišljenja o Nacrtu zakona o sudovima BiH.

No, unatoč podršci, pitanje je kada će se novi Nacrt zakona naći u parlamentarnoj proceduri i - pred kojim zastupnicima. Naime, o Nacrtu zakona treba se izjašnjavati Vijeće ministara BiH koje potom šalje prijedlog zakona u parlamentarnu proceduru.

S obzirom na završene izbore, pitanje je hoće li o istom odlučivati ministri i zastupnici u 'tehničkom mandatu' ili novi sazivi. To povlači i pitanje brzine formiranja vlasti i još jednog od beskonačnih čekanja i odugovlačenja. Kao što i BiH čeka pred vratima EU-a. **Dnevni list**



Dnevni list

Država: Bosna i Hercegovina

Doseg:

Stranica: 3

Površina: 74 cm²



08.11.2022

utorak

Indeks

1 / 1

Konzultacije sutra, mogući datumi konstituiranja novog saziva 21. ili 22. studeni

O datumu održavanja konstituirajuće sjednice novog saziva Zastupničkog doma Parlamenta Federacije BiH vjerojatno će biti odlučeno sutra, 9. studenog. Mogući termini konstituiranja novog saziva Zastupničkog doma FBiH su 21. ili 22. studeni, ali sve će biti preciznije utvrđeno na sutrašnjem konzultativnom sastanku, kojeg je zakazao predsjedatelj dosadašnjeg saziva tog doma Mirsad Zaimović. Kako je kazao za Fenu, na konzultacije je pozvao predstavnike stranaka koje su na Općim

izborima u BiH osvojile mjesta u Zastupničkom domu za predstojeći četverogodišnji mandat. Rok za konstituiranje je 20 dana od potvrde konačnih izbornih rezultata, što je učinjeno 2. studenog, točno mjesec dana po izborima, odlukom Središnjeg izbornog povjerenstva BiH, a u kojoj se navodi da odluka stupa na snagu danom donošenja i da će biti objavljena u 'Službenom glasniku BiH', 'Službenim novinama FBiH', 'Službenom glasniku RS' i u 'Službenom glasniku Brčko Distrikta BiH'.



44 novozaraženih koronavirusom, preminule dvije osobe

Od posljednjeg izvješća o epidemiološkoj situaciji, u Bosni i Hercegovini je su registrirane 44 osobe pozitivne na koronavirus, od ukupno obrađenih 705 testova. Prijavljena su i dva smrtna ishoda, po jedan u Federaciji BiH i u Republici Srpskoj. U promatranom su razdoblju Zavodu za javno zdravstvo FBiH prijavljeni nalazi testiranja ukupno 496 uzoraka, od kojih je njih 16 bilo pozitivno na prisustvo koronavirusa a novi slučajevi zaraze registrirani su u Hercegovačko-neretvanskoj, Srednjobosanskoj, Tuzlanskoj, Zeničko-dobojskoj i u Županiji Sarajevo. Od posljednjeg izvješća o epidemiološkoj situaciji u RS-u, testirana su 204 laboratorijska uzorka, a novi virus korona potvrđen je kod 28 osoba. Prijavljen je jedan smrtni slučaj. U Brčko Distriktu BiH nije bilo novih slučajeva zaraze.



Tu postoji ono preuzimanje prekršaja, jer imate slučajeve da ti vozači koji duguju hiljade maraka za kazne nemaju nikakve imovine na svoje ime. Oni obično voze automobile koji nisu registrovani na njihovo ime, kaže struka

Radoš KRSTOJEVIĆ

radosk@nezavisne.com

SARAJEVO, **BRČKO** - Vozači u BiH po pitanju neplaćenih kazni za saobraćajne prekršaje duguju 80,8 miliona KM, a apsolutni rekorder po ovom osnovu je jedan Sarajlija sa nevjerojatnih 267.643 KM duga.

Istovremeno, građani koji upravljaju motornim vozilom u ovom trenutku imaju neplaćenih više od pola miliona prekršajnih naloga.

A koliko su vozači "savjesni", pokazuje najsvežiji primjer iz **Brčkog**. Naime, policija u ovom gradu prije nekoliko dana zaustavila je lice, kod koga je utvrđeno nepoštovanje više saobraćajnih pravila, uključujući i to da je čak osam godina vozio bez vozačke dozvole.

"Četvrtog novembra 2022. godine u 22.40 policijski službenici Policije **Brčko** distrikta BiH su tokom redovnih poslova i zadataka u naselju Prutače zaustavili vozača motornog vozila marke pasat inicijala E.K., rođen 1979. godine, nastanjen u **Brčkom**, i utvrdili da ne posjeduje vozačku dozvolu, a nakon izvršene provjere da je ista istekla 2014. godine, te je poništena", naveli su iz brčanske Policije.

Da stvar po ovom Brčaku bude gora, samo po osnovu neplaćenih



Pet najvećih dužnika ima kazne od 570.000 KM
FOTO ARHIVA

Vozači u BiH zbog saobraćajnih prekršaja duguju 80,8 miliona KM

Sarajlija "dovezao" neplaćene kazne do 267.000 KM

KAKO TI LJUDI VOZE, TO JE PITANJE ZA PRAVOSUDE, NAGLAŠAVA ČORIĆ

kazni za vožnju on duguje skoro 7.000 KM.

"Provjerom u službenom registru novčanih kazni utvrđeno je da je navedeno lice višestruki povratnik u vršenju prekršaja iz oblasti saobraćaja, te da po osnovu neplaćenih kazni ima dugovanja u iznosu od 6.976 KM. Zbog osnova sumnje da će navedeno lice nastaviti sa vršenjem prekršaja privremeno mu je oduzeto motorno vozilo i pohranjeno u depozit Policije **Brčko** distrikta BiH. Protiv navedenog lica će Osnovnom sudu **Brčko** distrikta BiH biti podnesen zahtjev za pokretanje prekršajnog postupka", saopšteno je iz Policije distrikta.

Iako treba da plati 7.000 KM, vozač iz **Brčkog** daleko je od vodeće petorke kada su u pitanju ukupna dugovanja za saobraćajne prekršaje. Uz pomenutog rekordera iz Sarajeva, pet najvećih dužnika koji sjede za volanom u BiH duguje 570.000 KM.

"Na prvom mjestu je vozač iz Sarajeva (opština Stari Grad) koji duguje 267.643 KM. Slijede vozači iz Maglaja i Hadžića sa dugom od

82.973 KM, odnosno 75.009 KM. Na četvrtom mjestu je vozač iz **Brčkog** koji treba da plati 73.840 KM, a na petom osoba iz Gradačca sa 67.911 KM", rečeno je za "Nezavisne novine" iz Agencije za identifikaciona dokumenta, evidenciju i razmjenu podataka Bosne i Hercegovine (IDEEA).

Prema istim podacima, ukupan dug vozača za saobraćajne prekršaje u BiH iznosi 80.815.865 KM, dok je broj neplaćenih naloga 510.399 (najviše ih se odnosi na prekoračenje brzine, neposjedovanje vozačke dozvole, upravljanje vozilom prije sticanja vozačke dozvole, neposjedovanje adekvatne opreme, te upravljanje vozilom koje nije registrovano).

VOZAČ IZ BRČKOG VOZIO OSAM GODINA BEZ DOZVOLE, SAOPŠTILI IZ POLICIJE

Najčešće kazne koje su napisane ove godine

- Vozač koji se vozilom na putu kreće brzinom koja je od 10 km/h do 20 km/h veća od dozvoljene brzine;
- Vozač koji nema kod sebe odgovarajuću važeću vozačku dozvolu ili je ne pokaže na zahtjev ovlaštenog lica;
- Vozač koji u saobraćaju na putu upravlja motornim vozilom prije sticanja prava na upravljanje motornim vozilom.

Nikola Čorić, inženjer za bezbjednost saobraćaja i član Koordinacione grupe za bezbjednost saobraćaja, ističe za "Nezavisne" da su podaci potpuno poražavajući i da je sasvim očigledno da vozači znaju pronaći pravne praznine koje im omogućavaju da upravljaju vozilom uprkos enormnim kaznama.

"Sav teret ide na nesavjesne vozače koji prave kumulativne prekršaje, a gdje ne dolazi do izvršenja. Ali, tu postoji ono preuzimanje prekršaja, jer imate slučajeve da ti vozači koji duguju hiljade maraka za kazne nemaju nikakve imovine na svoje ime. Oni obično voze automobile koji nisu registrovani na njihovo ime. Problem su ti ljudi koji preuzimaju prekršaje na sebe i tako stiču određenu imovinsku korist. Kako ti ljudi voze, zašto nisu privedeni ili procesuirani, to je više pitanje za pravosuđe", naglašava Čorić.

On smatra i da aktuelne kazne nisu dovoljno rigorozne, jer je očigledno da vozači teško odustaju od činjenja istih prekršaja.

"Ja znam da je za pola ove godine izdato preko 200.000 prekršajnih naloga, a nije naplaćeno sigurno 50 odsto. Mislim da sam dovoljno rekao", navodi Čorić, koji kaže da mjera oduzimanja vozila od nesavjesnih vozača svakako jeste dobra, ali da je potrebno učiniti mnogo više na ovom polju.



U BiH 44 novozaražena koronom

ZZJZFBiH preporučuje testiranje PCR-om jer je pouzdanost brzog antigenskog testa značajno smanjena


U Bosni i Hercegovini jučer su registrovane 44 osobe pozitivne na koronavirus, od 705 obrađenih testova. Prijavljena su dva smrtna ishoda, i to po jedan u FBiH i Republici Srpskoj, saopćeno je iz entitetskih ustanova za javno zdravstvo i **Vlade Brčko distrikta** BiH. Do sada su u BiH ukupno preminule 16.182 osobe od posljedica zaraze Covid-19.

Zavodu za javno zdravstvo FBiH prijavljeno je ukupno 496 uzoraka, od kojih je 16 bilo pozitivno. Novi slučajevi registrirani su u HNK-u, SBK-u, TK-u, ZDK-u i Kantonu Sarajevo.

Do sada su u FBiH testirana ukupno 1.342.104 uzorka, a Covid je potvrđen kod 264.049 osoba. Jučer je prijavljen smrtni ishod, i to u Tuzlanskom kantonu. Ukupan broj smrtnih ishoda do sada je 9.066.

URS-u u posljednja tri dana testirana su 204 laboratorijska uzorka, a virus korona potvrđen je kod 28 osoba.

Ukupan broj hospitalizovanih trenutno je 78, a na respiratoru su tri osobe. U situaciji niske cirkulacije virusa pouzdanost brzog antigenskog testa je značajno smanjena te ZZJZFBiH preporučuje testiranje PCR-om.



U bolnicama je 78 osoba